



द्वारसायिक पत्रकारिता, थौंया आवश्कता

LAHANA WEEKLY

वा:पो

सा:गु भिंगु मरिचरिया निति
लुमका दिसँ ।

लक्ष्मण जगल 'चिलि' प्रोप्राइटर



लाखा छँ

LAKHA CHHEN

सोइस्ट्रे, वडा नं. १६, ये फोन नं.: ८३६०७२८

थुकि दुने

विश्वभूमि व सुशील दाईलिसे
स्वानाच्वंगु जिगु लुमनि
सुरेन्द्र भक्त श्रेष्ठ - २

सिधि नख:

लक्ष्मण राजोपाध्याय - ३



एकाराम सिंया व्यक्तित्व व कृतित्व ?

राजभाइ जक:मि - ५

यँ महानगरपालिकाया नीति तथा कार्यक्रम सर्वसम्मतं पारित स्वास्थ्य क्षेत्रलिसें स्वनिगःया मूर्त अमूर्त सम्पदा नं प्राथमिकताय्

लहना संवाददाता

यँ महानगरपालिकां सार्वजनिक या:गु आर्थिक दै २०७८/२०७९या नीति तथा कार्यक्रम सर्वसम्मतं पारित जगु दु । असार ३ गते यँ महानगरपालिकाया प्रमुख विद्यासुन्दर शाक्यं ९वःगु नगरसभाया न्हापांगु बैठकय् नीति-तथा कार्यक्रम सार्वजनिक यानादीगु खः । उपमेयरलिसें काँग्रेस सतीपिं जनप्रतिनिधिं नीति तथा कार्यक्रमबारे अध्ययन यायूत निन्हुया ई माग यायूधुंका: निन्हुया लागिं स्थान जगु बैठक आइतबा: च्वना: नीति तथा कार्यक्रम सर्वसम्मतं पारित या:गु खः ।

थुगुसीया नीति तथा कार्यक्रमय् १ सय बेडया 'यँ महानगर विशेष अस्पताल' स्थापना यायूगु, विद्युतीय सवारी करय् शतप्रतिशत छुट बीगु, कोभिड-१९ या महामारी प्रभावित करदातायात विशेष छुट/सहुलियत बीगु, महानगरवासीयात 'नागरिक स्वास्थ्य विमा कार्यक्रम', 'एक वडा एक नमूना विद्यालय ज्याइवः' सहरी स्वास्थ्य क्लिनिकं विशेषज्ञ चिकित्सकलिसेया नि:शुल्क



सेवा थुज्वःगु ज्याइवःत हःगु दु ।

कोभिड महामारीया अवस्थाय् संघीय लिसें प्रदेश सरकारया थें यँ महानगरपालिकाया नीति तथा कार्यक्रम नं स्वास्थ्य क्षेत्रय् आपा: केन्द्रीत खनेदु । आ:या आवश्यकताया ल्याखं थुकियात स्वाभाविक धायुफइ । उकिया नापं स्वनिगःया साँस्कृतिक सम्पदा संरक्षणया विषयवस्तुयात थुगुसी नं प्राथमिकताय् तःगु दु ।

नीति तथा कार्यक्रमय् यँ महानगरपालिका क्षेत्र दुनेया अमूर्त

सम्पदाया संरक्षण र प्रवर्द्धनया लागिं परम्परागत बाजं स्यनीपिं गुरुपिं, सामुदायिक गुम्बा न्ह्याकेगुलिइ दुपिं प्रमुख लामापिनिगु सम्मान ज्याइवःयात थुगुसी नं निरन्तरता बीगु धयातःगु दु । यँ महानगरपालिकाया साँस्कृतिक पहिचानयात म्वाकातयूत महत्वपूर्ण योगदान बियावःगु गुधि, बाजं खलः, भजन खलः, जात्रा, परम्परागत नाचलिसे सम्बन्धित संघसंस्थायात आर्थिक म्वाहालि उपलब्ध याकेगु जुइ, नीति तथा कार्यक्रमय् धयातःगु दु । अथे हे,

मरुसतः (काष्ठमण्डप) या पुनःनिर्माणया ज्या थुगुसी हे क्वचायूकेगु आज्जु का:गु दु । व हे कथं हनुमानध्वाखा दरबार क्षेत्रय् दुगु महा:द्यः पार्वती देगः लिसें कुमारी छैया जीर्णोद्धारया ज्या न्ह्याकेगु नं धयातःगु दु ।

यँ महानगरपालिकाया थुगुसीया नीति तथा कार्यक्रमं हनुमानध्वाखा क्षेत्रय् दुगु थीथी संचरना चीका: थुगु क्षेत्रयात चकंगु लायूक्या रुपं विकास यायूगु आज्जु नं कयातःगु दु । हनुमानध्वाखा परिसर अले कोत क्षेत्रय् दुगु पुरातात्विक मापदण्ड अ:खःया नेपाली सेना, साविक जिल्ला प्रहरी ज्याकू, कान्ति ईश्वरी व कन्या निकेतन विद्यालय दुगु संरचना अनं चीकेगु धा:गु दु । उगु क्षेत्रया वृहद गुरुयोजना दयूका: कार्यान्वयन यायूगु, जुद्ध वारुण यन्त्र भवन न्ह्यःने व तलेजु देगःया उत्तरपाखे अनधिकृत टहरा चीका: खुला सतः दयूकेगु योजना यँ महानगरपालिकां न्ह्यःने हःगु दु ।

अथे हे, लुंमधि अजिमाया देगः व महाकाल देगः परिसरया विकास, मर्मत सम्भार अले जीर्णोद्धारया ज्या थुगुसी हे ल्यं ७ पेजय्

पत्रकार दबूया कोभिड रेस्पेन्स कोषया नितिं शिक्षामन्त्री श्रेष्ठया आर्थिक ग्वाहालि



शिक्षा विज्ञान तथा प्रविधिमन्त्री कृष्णगोपाल श्रेष्ठं मुक्कं नेपा:मि जनतायात कोभिड १९ संक्रमणं बचे याना: महामारीया अवस्था नियन्त्रणय् कायूत सरकार प्रतिवद्ध दुगु धयादीगु दु । वंगु बुधवा: नेवा: पत्रकार राष्ट्रिय दबूया पदाधिकारी व दबूया कोभिड रेस्पेन्स टिमयात नापलाना: मन्त्री श्रेष्ठं थथे धयादीगु खः । 'मुक्कं नेपा:मि जनतायात हे संक्रमणं बचे यायूगु व महामारीया अवस्थां पितहयूत सरकार चान्हि जानाच्वंगु दु, उकी नं अग्रपिंकिइ

खटे जुया: कोरोनालिसे ल्वानाच्वीपिं स्वास्थ्यक:मिलिसें समाजयात सूचना थ्यंका: सचेत दयूकेत योगदान बियाच्वीपिं पत्रकारतयूत नं थ:गु कर्तव्यय् सुरक्षित जुया: न्ह्या:वनेत सरकारं फक्क ग्वाहालि याइ' श्रेष्ठया धापू खः ।

व इवलय् मन्त्री श्रेष्ठं पत्रकार दबूया कोभिड रेस्पेन्स कोषया लागिं १ लाख तका ग्वाहालि नं बियादिल । शिक्षा मन्त्री श्रेष्ठं पुल्चोक हरिहरभवनस्थित मन्त्री निवासय् कोषया कजिलिसें ल्यं ७ पेजय्



सम्पादकीय



सन्तुलित समाचार जुडमा:

समाचार धइगु निष्पक्ष, तटस्थ, सन्तुलित जुडमा: । थुकी सुयां दुईमत दइमखु हे जुइ । छुं नं निगू पक्ष दथुइया खँ जुल धा:सा निगू नं पक्ष दथुइ सुयां नं समर्थन मया:से अथवा विरोध नं मया:से सन्तुलित रूपं निम्हेसिगु नं खँ तय फयकेमा: । तर थनया संचारमाध्यमत, अफ धाय, मूलाधार धायकाच्वीपि संचारमाध्यम स्वनिग:बासीया विरुद्ध मिसन पत्रकारिता हे यानाच्वंगु थें छांय प्रस्तुत जुयाच्वन ख: ?

थौकन्हय अप्व: याना: डेराया खँय संचारमाध्यम स्वनिग:या छँथुवा: विरुद्ध जा:गु हे ख:ला धइथें खनेदयाच्वन । लिपांगु इलयया खँ ल्हायबलय बबरमहलया छखा छँय कोथा मा:वंह छम्ह मिसाया खँ ख: । थन निम्हेसिया नं नां उल्लेख मयाय । छांयकि निम्हेसित नं दोषी क्यनेगु वा निर्दोष सावित यायगु कुत: मखु । खँ बस, समाचारया जक ख: । कोथा मा:वंह मिसां धाल, 'जि दलित धका: सीव बीगु क्व:जीधुकु कोथा जित: मबिल ।' थनथाय छँथुवा: मिसां नं धा:गु दु, ' जिं जातया खँ ल्हानागु हे मखु, छँय सल्लाह याना: जवाफ बी धयागु ख:, बरु वं हे जि ला कामी, छित: मछिं ला जुइमखु हला' धका: धा:गु ख: ।' थव निगू धापूमध्ये छँथुवा:या खँ मूलाधार धायकाच्वीपि संचारमाध्यम बि हे मब्यू । भन अ:खतं 'क्वयया जातयाम्ह धका: कोथा मब्यूमह छँथुवा:यात प्रहरीं ज्वन' धका: हेडलाइन बिया: समाचार च्वल । थन ला संचारमाध्यम समाचार जक च्व:गु मखु, 'क्वयया जातयाम्ह धका: कोथा मब्यूमह छँथुवा:.' धका: फैसला हे न्याकाबीधुकल । थव पत्रकारिताया गुगु धर्मय ला मसिल । लुमकेबह:जू थन जातया खँ ल्हानागु अथवा छँथुवा:या पक्षय छु धयागु मखु, मात्र समाचार प्रस्तुतिया खँ ख: ।

थुलि जक मखु, थगुनेया लकडाउन लुमके । निम्ह त्यपु लकडाउनया इलय पिने जिल्लां एम्बुलेन्सय च्वना: किपुलिइ केहँया डेराय च्ववल । न्हापांगु खँ, व कोथा उमह त्यपु बालं कयात:गु नं मखु, मिसाया केहँमहेसिनं कयात:गु । मेगु खँ, संक्रमणया जोखिमया अवस्थाय पिनं व:गु । अफ मेगु खँ लकडाउन तोडे याना: एम्बुलेन्सया दुरुपयोग याना: व:गु । छँथुवा:, त्वा:बासी व जनप्रतिनिधिं तक नं धाल, जिमिसं वयात छँय नं पितिनागु मखु, क्वारेन्टीनय च्वँ जक धयागु । उलि जक मखु, वडाध्यक्ष ला क्वारेन्टीनय मा:गु व्यवस्था याना: उकिया फोटो सामाजिक संजालय शेयर नं यात । अथेसां संचारमाध्यमया लागिं किपूया व हे छँथुवा: खलनायक जुयाबिल । मेपिं ला मेपिं नेपा:या दक्कले नां दुगु पत्रिकाय ज्या यानाच्वंमह पत्रकार हिमेश बज्राचार्यया हे खँ स्वय । थ:गु छँया कोथा खालि यानाब्यु धाल धका: एकपक्षीय समाचार । छँथुवा:या रूपय च्वयमा:बलय संचारमाध्यमं पत्रकारयात तक नं खलनायक हे दयकाबिल ।

छँथुवा: व डेरावालाया समाचारया प्रस्तुति स्वयबलय संचारमाध्यमं छगू पक्षया जक समर्थनय पत्रकारिताया धर्म छांय त्व:ताच्वन ख:, व न्हयस: अनुत्तरित जुयाच्वंगु दु ।

विश्वभूमि व सुशील दाईलिसे

स्वानाच्वंगु जिगु लुमन्ति

वयकलं सकसितं न्हयाबलें मांभासं र्वँ
ल्हायमा: व मांभाय्या नितिं हे ज्या याय्या: धका:
धयाच्वनादी । "भीसं मांया दुरु त्वनागुया गुण
पुलेगु लँ धइगु मांभाय ल्यंकातयगु व मांभाय्या
नितिं ज्या याना: सेवा यायगु हे ख: । जिगु ला
पस: दु धेबा दुहां वयाच्वंगु दु, नयत समस्या मदु ।
तर जिं मांभायाया सेवा याना वयाच्वनागु धइगु जिं
मांया दुरु त्वना वयागुया गुण लुमंका: हे ख: ।"



सुरेन्द्रभक्त श्रेष्ठ

वंगु जेठ १८ गतेया दिनय विश्वभूमि पत्रिकाया प्रकाशक व सम्पादक सुशील बिर सिं कंसाकार मन्त धयागु खँ न्यना: तसकं नुग: मछिन । विश्वभूमि जिं नेपालभाषाया पत्रकारिताय पला: न्हयाकागु थाय, अले सुशील दाई, जित: थव खयलय न्हया:वनेत थीथी कथं ह:पा: ब्यूमह मनु । थ्यंमथ्यं स्वंगु दशक न्हय: जित: पासा नरेशकुमार शाक्य विश्वभूमिइ दुतयंकुगु ख: । विश्वभूमिइ वने न्हय: जि कालिमाटीइ सुनकोशी छापाखानाय छलफल, दृष्टि वा:पौ व समालोचना न्हिपौया नितिं कम्पोज यायगु ज्या यानाच्वनागु ख: । २०४६ सालय बहुदलीय व्यवस्था वय न्हय:निसें हे जि उगु पत्रिकाय आवद्ध जुया: ज्या यानावयागु ख: । २०४६ सालय संयुक्त जनआन्दोलन जुयाच्वंगु इलय छलफल व दृष्टिनापं समालोचना पत्रिका ला पंचायती व्यवस्थायात क्वथला: प्रजातन्त्र हयत त:धंगु योगदान ब्यूगु पत्रिकामध्ये ला: व: ।

अथेजगुलिं जिमिसं उबले चान्हय हे पत्रिका कम्पोज याना: छापे यायधुंकेगु व चान्हय हे डिस्पोज तक नं याना: लिहांवयमा: । सुथय पत्रिका छापे जुयाच्वंगु दु धका: छापे मारे या:वइबलय पत्रिका छापे जुयाच्वंगु दइमखुगु जक मखु, पत्रिका बजारय हे थ्यनेधुंकी । अथे जुया: थुगु पत्रिकात बन्द यायत गुलि कोशिश यातं नं तत्कालीन सरकार सफल जुइमफुत व थौतकं निरन्तर पिहां वयाच्वंगु दु ।

थुकथं संघर्षपूर्ण अवस्थाय ज्या यानाच्वं च्वं २०४८ सालय नेपा:या हे दक्कले न्हापांगु सन्ध्याकालीन न्हिपौ विश्वभूमिइ दुहांवया: कम्पोज यायगु ज्यानिसें थ:गु आवद्धता दुगु जुल । उगु इलय सम्पादक सुरेश किरण मानन्धर ख:सा व्यवस्थापक सुशील बिर सिं कंसाकार ख: । विश्वभूमिइ ज्या यायधुंका: दच्छि दतं नं जिं सुशील

दाईयात म्हमस्यू । जि सुथय वना: २ बजे न्हापांगु पेज सिधयका: लिहांवयगु जुगुलिं सुशील दाई नाप हे लाइमखु । जिं उबले विश्वभूमिइ म्हस्यूगु धइगु सुरेश दाई, सुजीव दाई व मेमेपिं पासापिं जक ख: । छक: हे नापमला:गुलिं सुरेश दाईयात छक: सुशील दाई मेगु छुं ज्या यानादी धका: न्यना । सुरेश दाई नं सुशील दाईया थन हे पिने लुचुभुल अजिमा देग:या ल्युन जाकि बजि पस: दुगु व वयक:यात घ्य: साहु धका: नं थन सकसिनं म्हस्यूगु खँ कनादिल ।

थुगु खँ जगु निन्हु स्वन्हु लिपा हे सुशील दाई अफिसय भाया: खँ ल्हानाच्वंगु इलय जिं नं अफिसय सुरेश दाईयाके म्याटर कायत थ्यन । उबले सुरेश दाईनं 'का सुरेन्द्र, सुशील दाई धइमह वयक: हे ख:' धका: म्हसीकाब्यूगु थौतक नं लुमनि ।

२०४८ सालनिसें २०५२ बैसाखतक्क सुचिका: गल्लीइ चिकिचाधंगु अफिसय च्वना: कम्पोज आख: मिले यायगु ज्या याना । वयां लिपा २०५२ जेठनिसें भोताहितिया उल हाउस न्हय:नेया छँय अफसेट मेसीन कम्प्यूटर हया: विश्वभूमि पिथनेगु ज्या जुल । नेपा:या हे न्हापांगु सन्ध्याकालीन पत्रिका विश्वभूमि न्हिपौ अफसेट प्रविधिं पिहांव:गुलिं सकलें नेवा:तयसं गर्वया महसूस या:गु ख: । न्हापा कम्पोज याना: पत्रिका पिथनेबलय 'ट्रेडल मेसीन'य छापे यायमा: । उगु प्रविधिं तसकं हे म्त्व: जक पत्रिका छापे जुइ । ल्हातिं छपा: छपा: याना: मेसीनय भ्वं दुखवयाच्वनेबलय छथौया जम्मा १५ स:निसें निद्र:पा तिज क छापे यायफइ । तर अफसेट प्रविधिं छापे जुइबलय छथौया द्द्र: निसें १०द्द्र: पा: छापे जुइगु अवस्था वल । उबलय नेवा:तयगु म्हुतुइ म्हुतुइ हे विश्वभूमि, तसकं हे लोकंहवा: ।

अफसेट प्रविधिं छापे जुइधुंका: क्वालिटि नं तसकं बांला:गुलिं न्हियान्हिथं हे ४द्द्र:-५द्द्रपा: पत्रिका छापे याना: बजारय छवयगु जुल । शुक्रबा: कुन्हु ला तँसापौ पिहांवइगु जूबलय १०द्द्र:-१२द्द्र: पा:तक्क छापे यायमालीगु । उगु इलयया खँ जित: आ: नं लुमनि, पत्रिका मिया: व:गु धेबा प्यमह न्यामह च्वना: मिले यायमा: । शुक्रबा: कुन्हु जक १८-२० द्द्र: तका तक नं दुहां वइ । अफसेट मेसीन ह:बलय व सुशील दाईया ५१ प्रतिशत स्वयां अप्व: धेबा ला:गु ख: । मेपनि शेयर जक ख: । विश्वभूमि

पत्रिका अफसेट प्रविधिं पिहांव:गु दच्छि लिपा अन चलखेल शुरु जुल । सुशील दाई छम्हेसित त्व:ता: फुकक मिले जुया: विश्वभूमि मेथासं हे पिकायगु सहलह जुल । थव खँ निरन्तर जुया हे च्वन विश्वभूमि हे पिकायगु ख:, तर सुशील दाईपाखें थुगु पत्रिका पितयकेगु मनस्थितीइ दुन दुनं गुटबन्दी जुल । थव खँ सुशील दाईनं सीका: गुटबन्दी यानाच्वीपिन्त हे 'कू' यानाबिल । विश्वभूमि पत्रिका पिकायधुंका: फुककं अफिस बन्द याना: ता:चा हे थ:महेसिनं ज्वनावना: दक्कसित आश्चर्य यानाब्यूगु ख: ।

सुशील दाईनं थुकथंया ज्या यायधुंका: यँया दल्कों विश्वभूमि हे पिदन सा भोताहितिं नं न्हापाया कथं विश्वभूमि हे निरन्तर जुल । थुकथं निथासं नं दँ ल्या:, दक्कं छगू हे कथं तया: १८न्हु - १९न्हु ति निरन्तर विश्वभूमि पिहांवल । तर सुशील दाईयाके प्रकाशकया प्रमाण पत्र दुगुलिं सुरेश मानन्धरया सम्पादनय पिदनाच्वंगु विश्वभूमि बन्द या धका: सिडिओपाखें आदेश जारी जगु ख: । अनं लिपा सुशील दाई प्रकाशक जुयाच्वंगु विश्वभूमि आधिकारिक जुलसा सुरेश मानन्धरया सम्पादनय पिदंगु पत्रिका विश्वभूमि न्हिपौया पलेसा सन्ध्या टाइम्सया जन्म जगु ख: । उबले विश्वभूमि पत्रिकाय १८म्ह - १९म्ह ज्या यानाच्वीपिमध्ये जि व नरेश कुमार शाक्य निम्ह जक सुशील दाईलिसे हे निरन्तरता बिया । मेपिं सन्ध्या टाइम्सय आवद्ध जूवंगु ख: ।

वयकलं सकसितं न्हयाबलें मांभासं खँ ल्हायमा: व मांभाय्या नितिं हे ज्या याय्या: धका: धयाच्वनादी । ' भीसं मांया दुरु त्वनागुया गुण पुलेगु लँ धइगु मांभाय ल्यंकातयगु व मांभाय्या नितिं ज्या याना: सेवा यायगु हे ख: । जिगु ला पस: दु धेबा दुहां वयाच्वंगु दु, नयत समस्या मदु । तर जिं मांभायाया सेवा याना वयाच्वनागु धइगु जिं मांया दुरु त्वनावयागुया गुण लुमंका: हे ख: ।'

सुशील दाईया थव हे धापूयात लुमंका: जिं थौतक नं मांभाय्या पत्रकारिता क्षेत्रय सक्रिय जुयाच्वना । मेमेगु भाषाय ज्या या:गु ख:सा यक्व धेबा दइगु खइ जुइ, मांभाय्या क्षेत्रय भचा म्त्व: जुल खइ । तर जित: गर्व दु जिं मांभाय्या सेवा यानाच्वना । सुशील दाई सुखावति भुवनस वास लायमा धका: कामना यानाच्वना ।

त्वमिपिन्त इनाप

लहना वा:पतिइ लेख, रचना, रिपोर्ट व समाचार छवयादीफइ । छिकापिसं छवयादीगुवात थुगु वा:पतिइ थाय बियाच्वना । पिदंगु च्वसुयात उचित पारिश्रमिक बीगु न सुच बियाच्वना ।

लहना वा:पौ

भोटे, वं

lahana.news@gmail.com

सिथि नखः



लक्ष्मण राजोपाध्याय

थ्व बांलाःगु व यइपुसेच्वंगु हलिमय थःगु क्षमतां पिने लानाच्वंगु समस्यात वल धाय्वं व समस्यायात ज्यंकाछ्वयत् न्हूगु श्रृष्टि जुयाः न्हंका छ्वःगु दसु दु। पौराणिक बाखं, धार्मिक ग्रन्थकथं भगवानं भिगू अवतार कयाबिज्यानाः थ्व हलिंयात संरक्षण यानाः तयातःगु भीसं ब्वने लं। असुर शक्तियात नास यायूत दैवी शक्ति न्हयब्वयाः नास यानाच्वंगु खनेदु। गथे कि असुर शक्ति रावण, कंश, महिषासुर, दानवराज हिरण्यकश्यपु आदिपिन्त दैवी शक्ति परास्त यानावइच्वंगु खः। ईया छगू कालखण्डय असुर शक्तिया प्रतिक तारकासुर नांया दैत्य नं उदय जुल। थ्व यइपुसेच्वंगु हलिमय च्वनाच्वीपिं मनुतयत् व देवलोकय च्वनाच्वीपिं घःगणयात नं आपालं दुःख बियाः, कष्ट बियाः हाहाकार मचे यानाः एकछत्र राज यानाच्वंहेसित महाघःया कायु कुमार घवं नास यानाबिज्यात।

कुमार घःयात कार्तिकेय पार्वतीनन्दन, तारकाजित, महासेन, मकरध्वज नामं नं सम्बोधन यायूगु याः। गणेशःया नापं प्रत्येक धार्मिक कर्मयु कुमारयात नं न्हापालाक पूजा यानातःगु खनेदु। कुमार व गणेश निम्ह साप हे मिले जूपिं दाजुकिजा खः। परस्पर मतिना दु, बालक्रिडा यानाः निम्हं साप हे लयूताः। निम्हेसियां

इहिपा यायूगु पायुछि ई वल। निम्हेस्या न्हापालाक इहिपा यायुगुलि प्रतिस्पर्धा जुल। मांबौपिनि न्हयःने थःथःगु खं न्हयब्वल। निम्ह कायुपिनिगु खं न्यनेधुंकाः अबुजु शिवं धयाबिज्यात कि छिपिं दाजुकिजामध्ये सुनां न्हापां थ्व हलिंया परिक्रमा यायुफइ वयात हे न्हापालाक इहिपा यानावीगु जुइ। थ्व खं न्यनेवं कार्तिकेय (कुमार) म्हायूखा गयाः उग्रिमय हे पृथ्वी परिक्रमा याः वन। गणेशयात चिन्ता जुल, जिगु बहान जुलं चीधिकःम्ह, तिछुं गथे यानाः पृथ्वी परिक्रमा यायूगु ? थ्व परिक्रमा यायूगु बिचाः त्वःताः मांबौ निम्हेसितं भक्तिपूर्वक पूजा यानाः न्हयकःतक परिक्रमा यानाबिज्यात। गुकिं यानाः गणेश प्रतिस्पर्धायु न्हापालात। लिच्वः कथं गणेशं न्हापालाक प्रजापति विश्वरूपया निम्ह म्हायुपिं सिद्धि व ऋद्धिलिसे इहिपाः यात। लिपा कार्तिकेय पृथ्वी परिक्रमा यायूगु ज्या सिधयुकाः कैलाशयु वःबलयु गणेशया इहिपा जुइ धुंकूगु खबर न्यनेवं हे साःप हे म्हाइपुकाः नुगः मछिंकाः कैलास त्वःतेगु व इहिपा मयायूगु निश्चय यात। उल्सानिसें कार्तिकेयया नां कुमारया रूपयु थ्व हलिमय जाल, प्रख्यात जुल।

महाघःया कायुया नां कुमार षष्ठी वा सिद्धिकुमार खः। सिथि नखःया बिस्कं महत्व व मूल्य मान्यता दु। थ्व नखः देपुजाया अन्तिम नखः नं खः। सुयां नं विशेष कारणं देपुजा न्यायुके मफुसा सिथि नखःकुन्हु देपुजा न्यायुकेगु चलन दु। नखःचखः थःगु परम्पराकथं हनेगु नेवाःतयगु थःगु कथंया पहिचान व म्हासीका खः। सिथि नखःबलयु दैयुदसं न्हूधलयु जात्रा यायूमाः। सिथि नखःया जात्रा यायूगु इवलयु पूजाया नापनापं षष्ठी प्यन्हु न्हयः घःयात न्हवं यायूमाः। न्हवं यायुबलयु थसिनिसें वइपिं नेमकुलतयुसं घःया

जवयुखवयु च्वनाः न्हवं याइगु चलन दु। सिथिनखः कुन्हु स्वनिगःया आदि देव ब्राह्मण राजोपाध्यायं विधिपूर्वक यज्ञाहुति यानाः कलशार्चन पूजा यानाः सिथिकुमार घःयात विधिवत कर्म खंकाः पूजा आराधना यायूगु चलन दु। सिथिनखः कुन्हु थ्व कलशार्चन व होम यज्ञादि विधिविधानकथं पूजायात मदिक निरन्तरता बिचा वयाच्वंगु थ्व स्तम्भकारनिसें स्वंगू पुस्ता दत।

कुमारघः ह्याउंगु वर्ण जुयाः म्हायूखा गयाच्वंम्ह स्वयुबलयु मचाह्म थें खनेदुगुलिं घःया आकृति व ख्वाः स्वयुबलयु हिसिचा दुम्ह चञ्चल थें खनेदयाः साप हे बांलाः। घःयात मिखा फुति मयाःसे स्वयाच्वने मास्तेवइगु। न्हयाक्व हे स्वःसां मिखा त्यानु मचाः। नेमकुलतयुसं घःपाःलाःनापं च्वनाः घःयात हिसि दयुक बांलाक छाया पाइ। छाया यायूगु इवलयु घःयात तःताजितिसा तीकाः मत्त पुइकाः बांलाःगु वसतं पुंका, बांबांलाःगु स्वांमाः क्वखायुकाः घःयात भःभः धायुकी। थुगु अवस्थायु छायापाःतःगु घः थपायुसकं बांलाना च्वनी कि धाथें म्हायूखा गयाः सर्गतयु ब्वया वनेत्युगु थें लुया वइ।

सिथि नखःबलयु सिनाज्याया ई त्यावावःगुलिं चुक नांन, बहाःनापं तुं हितिगाः, बुंगाः, पुखुनापं सुचुकुचु यानाः लःयागु व्यवस्था याइ। छें, चुक, सुचुपिचु यायूगु इवलयु थःगु म्हा नं शुद्ध यायूत सुचुपिचु याइ।

सिथि नखःकुन्हु कुमार घः वा सिद्धिकुमारयात पूजा, आराधना यायुबलयु विशेष यानाः चौमरि, बिबःनापं थीथी कथंया मायुवः, मूवः, कसू वः, छुनाः चतांमरिलिसें घःयात छायागु चलन दु। हिसि दुम्ह कुमारघः स्वयुबलयु बांलाःम्ह यइपुसे च्वंम्ह चञ्चल थें खनेदु। उकिं उमेर दयाः नं चञ्चल मजुसा मस्तयुत कुमार घःथायु यंकाः पूजा याकेगु, भागियाकेगु



चलन दु, गुकिं यानाः मस्त चञ्चल जुइ धइगु जनविश्वास दु। सिथिघः पूजा याइबलयु थःगु इच्छा जक पूवनीगु मखसें ताःईनिसें म्हा सुख मदयाच्वंसा म्हासुख मदुम्ह मनूया नामयु चिकनयु इताः बुलाः आइतबाः कुन्हु च्याकेगु चलन दु।

इताः बांलाक च्यात धाःसा बिरामीया ल्वयु याकनं हे लना वनी धैगु जनविश्वास दु। अथेंतुं सिथिघःयात न्यायया मूर्तिकथं न्याय बीम्ह घःया रुपयु नं कयाच्वंगु खनेदुसा मुद्दा त्याकाबीम्ह घः नं धाः। ताः ईतक्क मुद्दा फैसला मजुसे लिच्वः मवयाच्वनीबलयु अन्याय जूपिन्सं सिथि घःयाथायु वनाः मत च्याकः वनेगु चलन दु। बांलाक मत च्यात धाःसा मत च्याःगु लिधंसायु

मुद्दा त्याइ धयागु खं घःयाथायु च्वनीपिं घःपालाःतयुसं धायेगु याः।

कुमार घःया महिमा, धार्मिक महत्व अपरम्पार जूगुलिं भीसं नं सिद्धिकुमार घःयात दुनुगलनिसें भक्तिभावपूर्वक श्रद्धापूर्वक सिथि नखःबलयु छन्दु जक मखु निर्हान्कथं पूजा यायूमाःगु आराधना यायु माःगु चलन दु।

भीगु शरीरयात म्वः ल्हुयाः शुद्ध यायु थें, भीगु मनयात नं शुद्ध यायुत बाज्या बराजुतयुसं स्थापना यानाः सामाजिक एकता सद्भाव कायम यायुत स्वनाथकूगु आध्यात्मिक ज्यायात भीसं बांलाक थुइकाः हःपाः बिचाः न्हयाकायुकेगु स्वयूमाः अले तिति भीगु आजु भीसं लुइकेफइ।

बिचाः हायुका



बुदि
२००५।४।२



मदुम्ह धर्मनारायण महर्जन



मदुगु दि
२०७८।२।१६

थुगु समाजया दुजः धर्मेन्द्र महर्जनया अबु नाप १८ वडाया पुलाम्ह वडा सदस्य

धर्मनारायण महर्जन (ट्याउ दाइ)

मदुगु खं न्यनाः मंकाः समजया सकल जःपिं नं मर्माहत जूगु दु।

वयुकःया आत्माया चीर शान्तिया कामना यासें

दुःखकःपिं छेंजःपिसं अनित्य संसारयात लुमंकाः नुगः ची फयूमा

धइगु कामना यासें दुनुगलनिसें बिचाः हायेकाच्वना।

खुसिबुं मंकाः समाज

टाउन प्लानिङ्ग, १७ वडा, काठमाडौं परिवार

काठमाडौं महानगरपालिकाको

निःशुल्क एम्बुलेन्स सेवा

अस्पताल जानको लागि निःशुल्क एम्बुलेन्स

सेवाका लागि सम्पर्क गर्नुहोस्

कोभिड विरामीका लागि

१०२

नन कोभिड विरामीका लागि

११८० मा कल गर्नुहोस् ।



काठमाडौं महानगरपालिका

हरिभवन, सुन्धारा, काठमाडौं ।

बिचा: हायेका



बुदिं

वि.सं. २०२२ माघ २९



मदुगु दिं

वि.सं. २०७८ जेठ २४

स्व. एकाराम सिं महर्जन

ज्यापु महागुथि नेपा:या संस्थापक दुज:लिसें नेवा: विद्वान्, अनुसन्धानकर्ता,
सांस्कृतिक अभियन्ता, वरिष्ठ चित्र कलाकार

एकाराम सिं

५६ दैय् मदुगु खँ न्यना: महागुथिया सकल ज:पिं नं मर्माहत जूगु दु ।
वय्क: भौतिकरूपं भी न्ह्य:ने मदुसां वय्क:या कीर्तिपाखें सदां म्वाना हे च्वनादी
धइगु भलसा कासैं दु:खंक:पिं छैंज:पिसं अनित्य संसारयात लुमंका:
नुग: ची फय्मा धइगु कामना यासैं
दुनुगलिनिसें बिचा: हायेकाच्च्वना ।



ज्यापु महागुथि नेपा: केन्द्रीय समिति

सकल ज:

बिचा: हायेका



बुदिं

वि.सं. २०२२ माघ २९



मदुगु दिं

वि.सं. २०७८ जेठ २४

स्व. एकाराम सिं

थुगु कोषया लोगो डिजाइनरलिसें कोषयात स्थापनाकालिनिसें
मा:बलय् मा:कथं निरन्तर ग्वाहालि यानावयाच्च्वनादीम्ह
अनुसन्धानकर्ता, संस्कृतिविद्, वरिष्ठ कलाकार

एकाराम सिं

५६ दैय् मदुगु खँ न्यना: विकास कोषया सकल ज:पिं नं मर्माहत जूगु दु ।
वय्क: भौतिकरूपं भी न्ह्य:ने मदुसां वय्क:या कीर्तिपाखें सदां म्वाना हे च्वनादी
धइगु भलसा कासैं दु:खंक:पिं छैंज:पिसं अनित्य संसारयात लुमंका:
नुग: ची फय्मा धइगु कामना यासैं दुनुगलिनिसें बिचा: हायेकाच्च्वना ।



ज्यापु संस्कृति विकास कोष

ओन्दे, यें ।

बिचा: हायेका



बुदिं

वि.सं. २०२२ माघ २९



मदुगु दिं

वि.सं. २०७८ जेठ २४

स्व. एकाराम सिं महर्जन

ज्यापु महागुथि नेपा:या संस्थापक दुज:लिसें नेवा: विद्वान्, अनुसन्धानकर्ता,
सांस्कृतिक अभियन्ता, वरिष्ठ चित्र कलाकार

एकाराम सिं

५६ दैय् मदुगु खँ न्यना: महागुथिया सकल ज:पिं नं मर्माहत जूगु दु ।
वय्क: भौतिकरूपं भी न्ह्य:ने मदुसां वय्क:या कीर्तिपाखें सदां म्वाना हे च्वनादी
धइगु भलसा कासैं दु:खंक:पिं छैंज:पिसं अनित्य संसारयात लुमंका:
नुग: ची फय्मा धइगु कामना यासैं दुनुगलिनिसें बिचा: हायेकाच्च्वना ।



ज्यापु महागुथि नेपा: यें महानगर समिति

सकल ज:

बिचा: हायेका



बुदिं

वि.सं. २०२२ माघ २९



मदुगु दिं

वि.सं. २०७८ जेठ २४

स्व. एकाराम सिं

थुगु वा:पौया भिंचितामिलिसें नेवा: विद्वान्, अनुसन्धानकर्ता,
सांस्कृतिक अभियन्ता, वरिष्ठ चित्र कलाकार

एकाराम सिं

५६ दैय् मदुगु खँ न्यना: वा:पौया सकल ज:पिं नं मर्माहत जूगु दु ।
वय्क: भौतिकरूपं भी न्ह्य:ने मदुसां वय्क:या कीर्तिपाखें सदां म्वाना हे च्वनादी
धइगु भलसा कासैं दु:खंक:पिं छैंज:पिसं अनित्य संसारयात लुमंका:
नुग: ची फय्मा धइगु कामना यासैं दुनुगलिनिसें बिचा: हायेकाच्च्वना ।



लहना वा:पौ

सकल ज:

एकाराम सिंया व्यक्तित्व व कृतित्व



लोककवि राजभाई जकःमि

वि.सं. २०५० भाद्र २६ खुन्हु जूगु व मुँज्याय् ज्यापु जातिया राष्ट्रिय संगठन ज्यापु महागुथि नीस्वनेगु व ज्यापु जाति नं आदिवासी खः धकाः सम्बन्धित थासय् पत्र बीगु खँ व मुँज्याय् क्वःजित। नापनापं व मुँज्याय् जिगु संयोजकत्वय् ज्यापु महागुथि संगठन निर्माण समिति व एकाराम सिंहया संयोजकत्वय् अनुसन्धान समिति स्वनेगु ज्या जूगु खः। थ्व मुँज्या ज्यापु जातिया निर्मित ऐतिहासिक मुँज्या जुयाबिल। थुगु इलनिसें एकाराम सिंयापु जिगु व्यक्तित्व व संगठनात्मकत्वं स्वापू जू वन।



वि.सं. २०५० भाद्र २६ खुन्हु जूगु व मुँज्याय् ज्यापु जातिया राष्ट्रिय संगठन ज्यापु महागुथि नीस्वनेगु व ज्यापु जाति नं आदिवासी खः धकाः सम्बन्धित थासय् पत्र बीगु खँ व मुँज्याय् क्वःजित।

हःपाः व तिबः दयाचवंगु खः। महागुथिया सक्रियताय् नेपाः राष्ट्रिय जातीय संग्रहालय दयेकेज्या जूगु नेपाःतय्यु पहिचानयात जीवन्तरुपं न्यब्यय्यु ज्याया परिकल्पना वय्कलं हे यानादीगु खः। वय्कलःलिसे जिगु व्यक्तित्वरुपं नं

तस्कं क्वातूगु स्वापू दु। वय्कः जिगु साहित्यिक सहायात्री खः। उखुन्हु तिनि कोरोनाया हे हुनिं म्दुमह विश्वभूमिया प्रकाशक सम्पादक हनेबहःम्ह भी सुशीलबिर सिंह कसाःया इनापय् विश्वभूमिइ इलय्ब्यलय् पिथनेकथं जि मचा कविता च्वय्यु याना। व फुक्क कविताय् एकाराम सिंजुं तसकं आकर्षक जुइक चित्र च्वयादीगु खः। वय्कःया थ्व गुण जिं गबलें ल्वःमंके फइमखु।

एकाराम सिंजु ज्यापु कुलय् जन्म जूमह छमह नेवाः विद्वान खः, अनुसन्धानकर्ता खः, अध्येता खः, सांस्कृतिक अभियन्ता खः, वरिष्ठ चित्र कलाकार खः, नेपाः देय्या छमह सुयोग्य सुपुत्र खः। वय्कःया समग्र जीवनयात दुवालाः स्वयंबलय् वय्कः छमह राष्ट्रिय भावना बिलिबिलिं जाःमह नेवाः जवाः धाय्गुलिइ जितः गौरव ताः। वय्कःयात नेवाः जवाः धकाः हे सम्बोधन यानाः वय्कःया छत्वाःचा जीवनी थन न्यब्ययाच्वना।

सन् १९९१ आदिवासी अन्तर्राष्ट्रिय दै कथं हनेगु इवल्य संयुक्त राष्ट्र संघ संसारया मूलवासी जातितय् थःपिं आदिवासी खःसा दसुनापं दावी पेश या धैगु सुचं गोरखापत्रय् पिथन। हनेबहःम्ह एकाराम सिंया नापनाप ज्यापु सेवा समाजया छथ्वः ल्याय्महत थ्व दावि यायुत हनेबहःम्ह किसान न्हयलुवाः नाति महर्जनया न्हयलुवाय् ज्याथाय् भाजु गोपाल महर्जनया छैय् मुँज्या च्वनेगु ज्या जुल।

ज्यापु महागुथि ने.सं. १९३३ स तःजिक स्वनिगःव्यापि धिमे ब्वज्या यानाः ज्यापु महागुथि नेपाः घोषणा याय्यु ज्या जुल। महागुथिया थीथी ज्याय् एकारामजुं प्रत्यक्ष व अप्रत्यक्षरुपं तन, मन, धन बियाः ख्वालि यानादीगु दु। महागुथिया न्हापांगु लोगोया परिकल्पना वय्कलं यानादीगु खः। महागुथिया फुक धयाथें बौद्धिक ज्याइवल्य वय्कःया तःजिगु

नेवाः जवाः एकाराम सिंया बःचाहाकःगु जीवनी

हनेबहःम्ह एकाराम सिं महर्जनजु मां प्राणमाया व बौ टिकाराम सिं महर्जनया कोखं वि.सं २०२२ माघ २९ गते बगु खः। वय्कःया जन्म यै देय्या परम्परागत त्पःर त्वाल्य जूगु खःसा लिपांगु इलय् वय्कः अनामनगरय् च्वनादीगु खः। वय्कलं ललितकला क्याम्पसं चित्रकला विषयलय् स्नातक व टि.यू.पाखें समाजशास्त्र व नेपाली इतिहास, संस्कृति तथा पुरातत्व विषयलय् स्नातकोत्तर यानादीगु खः। अथे हेनांजाःमह तिब्वतया कलाकार डोर्जे लामायाके वय्कलं परम्परागत चित्र दुयंक सयेकादीगु खः।

वय्कलं यै महानगरपालिकाया ग्वसालय् Recreation Paintings of Arts and Architectures Lost from Nepal विषय नां तयाः सन् २०१४ स स्वन्हुतक यै देय्या काष्ठमण्डपया निगुगु तल्लाय् चित्रकला ब्वज्या यानादीगु खः। थ्व छकूकथं नेपाः राष्ट्र हे गौरव ताय्बहःगु ऐतिहासिक ज्याइवः खः। थ्व चित्र थीथी देसय् इलय्ब्यलय् ब्वज्या नं जू। अनुसन्धान ज्याय् नं वय्कः तसकं दखल दुमह अनुसन्धानकर्ता खः। वय्कलं टिस्टुंगया गोपाली जातिया लोक संस्कृति व लोक सम्पदा विषयस तसकं महत्वपूर्णगु खोज यानाः नेवाः समाजय् तःजिगु योगदान यानादीगु खः। थ्व अनुसन्धानात्मक च्वसु न्हयब्वयाः वय्कलं सन् २००६ स Nepal Folklife and Cultural Society संस्थां ग्वसाः ग्वःगु अनुसन्धान कार्यशाला गोष्ठीइ नं ब्वति कयादीगु खः।

गोपाली व गुथि संघर्ष नांगु तसकं महत्त्वपूर्णगु डकुमेन्ट्री वय्नेज्या जूगु खः। वय्कलं तिस्तुङ्ग दरवारया नं परिकल्पना यानाः चित्र च्वयादीगु खः। नारायणहिँत संग्रहालयया लागि शहदतय्यु मूर्ति दय्केगु ज्या नं वय्कलं न्हयाकाचवंगु खः। डा. बाबुराम भट्टराई प्रधानमन्त्री कालय् व नगुने जूगु गुथि आन्दोलनय् नं वय्कः तसकं सक्रिय जुयाः न्हयचिलादीगु खः। वय्कलं नेपाल राष्ट्रिय जातिय संग्रहालयया नेवाःया लिसेलिसें करिव ११ जातिया मूर्ति दय्केगु ज्याय् खनेदय्क न्हयथनेबहःगु योगदान यानादीगु खः। वय्कलं तःदैमलि थीथी थासय् परम्परात चित्रकला प्रशिक्षण बियाः युवा पुस्तायात थ्व विधाय् सालेगु कुतः यानादीगु दु।



वय्कलं चित्रकला ख्यलय् इलय्ब्यलय् थीथी संस्थापाखें स्थानीय, राष्ट्रिय व अन्तर्राष्ट्रिय स्तरया सिरपाः त्याकादीगु दु, गथेकि सन् १९८४ स NAFA पाखें ग्वसाः ग्वःगु राष्ट्रिय चित्र प्रदर्शनीइ उत्कृष्ट पुरस्कार, सन् १९८५ स Royal Nepal Academy पाखें ग्वसाः ग्वःगु कार्टून प्रतियोगिताय् सान्त्वना पुरस्कार, सन् १९८६ स National Youth Organization पाखें ग्वसाः ग्वःगु अन्तर क्याम्पस चित्र प्रतियोगिताय् न्हाप सिरपाः कयाः

लुँया तक्मा त्याकादीगु खः। अथे हे सन् १९८७ स नेपाल सरकार व UNICEF या मकाः ग्वसालय् Educaton for all नामं जूगु पोस्टर डिजाइन प्रतियोगिताय् तेस्रो पुरस्कार त्याकादीगु खः। थुकथं हे सन् १९८८ स नेपाल सोसाइटी फर चिल्डेन लिटेचरं ग्वसाः ग्वःगु चित्रकलाय् उत्कृष्ट जुयादीगु खः।

वय्कलं यक्व हे संघसंस्थाया लोगो व ध्वंय नं च्वयाः ऐतिहासिक ज्या यानादीगु दु। नेवाः देय् दबू नेपाः राष्ट्रिय पार्टी व ज्यापु महागुथि नेपाःया लोगो नं वय्कलं च्वयादीगु खः। वय्कलं नेपाल सम्वत्या प्रणेता शंखधरया किपा नं च्वयादीगु दु।

वय्कलं तःगुमलि संघसंस्थाय नं थीथी पदय् च्वनाः ज्या यानादीगु दु। ज्यापु महागुथि नेपाःया वय्कः संस्थापक दुजः खः, अथेहे सांस्कृतिक सम्पदा नेपालया नायः खःसा नेपाल आइ डोनेशन सोसाइटीया उपाध्यक्ष नं खः। अथे हे नेपाल सोसाइटी फर चिल्डेन लिटेचरया जिवंकाःछि दुजःलिसें थुगु संस्थाया अनुसन्धान केन्द्रया मूछ्यान्जे खः। व हे कथं नेपाल हेरिटेज सोसाइटीया नं दुजः खः। अथे हे वय्कः थीथी नेवाः खलः पुचः व सामाजिक संस्थाय तःथाय्मलि आबद्ध जुयादीगु दु।

(चमि ज्यापु महागुथि नेपाःया नायः खः। वय्कलं थ्व जीवनी सकसिगुं सुभाव कयाः अभ्र तब्या याय्यु ग्वसाः ग्वयाच्वनादीगुलिं थुगु च्वसुइ छुंकेथ्या सुभाव दःसा स्वापू तयादीत इनाप यानाच्वना - सं.)

आयो नून खाई स्वस्थ रहौ

आयो नून खाई स्वस्थ रहौ
आयो नून खाई स्वस्थ रहौ
आयो नून खाई स्वस्थ रहौ
आयो नून खाई स्वस्थ रहौ

100% Vegetarian Sweet Cave
Sweets - Namkeen - Fast Food

Sweet Cave
(जीवन दाईया पसः)
Kalimati, Kathmandu, Nepal
Tel: 4275511, 9741112777, 9851063000

यहाँ भोज तथा पार्टीहरूको लागि चाहिने स्पेशल दही, पनिर, लाखामरी, लालमोहन, बर्फी, रसबरी तथा अरु विभिन्न परिकारका मिठाईका लागि सम्पर्क राख्नुहोस्।
आउटडोर भेज क्यारिज पनि गरिन्छ।

सुनां त्याकी युरो कप ?



प्रजित शाक्य

न्हुगू स्वरुपया इटाली, फिफा विश्व वरीयताय नम्बर वन टिम बेल्जियम, नेदरल्यान्ड्स युरो च्याम्पियन जुइगु ब्वाज्याय न्ह्यःने दु धाःसां पाइमखु ।

इटाली लगातार निगू कासा अःपुक त्याकाः क्वाटरफाइनलय पलाः तःम्ह न्हापांगु पुचः जुल । सन् २०१८ या विश्वकपय चयन जुइमफूगु तं इटालीं युरो कपय प्वकाच्चंगु दु । इटालीं टर्की व स्विट्जरल्यान्डयात ३-० स्कोरं बुकेधुकल । युरोपेली च्याम्पियन्सीपय न्हुगू स्वरुपया इटाली प्रभावशाली पूर्व



म्हिताच्चंगु नेदरल्यान्डस नं हाकनं छक्कः युरो त्याकेफूगु टिमया कथं खनेदत । सन् १९९८ यं युरो कप त्याकेत ताःलाःगु नेदरल्यान्डस नं न्हापाया निगू कासाय युक्रेन व अस्ट्रियायात त्याकाः नकआउट चरणय थ्यनेधुकल । प्रशिक्षक फ्रान्क डि बोयरं युरो २०२० यं नेदरल्यान्डसं परम्परागतरुपं म्हितीपिं प्यम्ह डिफेन्डर, स्वम्ह मिडफिल्डर र स्वम्ह फरवार्डयात हिलाः स्वम्ह डिफेन्डर, न्याम्ह मिडफिल्डर व निम्ह फरवार्डया रणनीतिइ म्हितकाच्चंगु दु । न्हापाया निगू कासा स्वयंगु खःसा थ्व रणनीति फलदायी हे खनेदत । युरो न्ह्यः ला बोयस्या थ्व रणनीतियात नेदरल्यान्डसया समर्थकतयसं यक्व हे

कोरोना महामारीं दच्छि लिज्याःगु युरोपेली च्याम्पियन्सीप फुटबल धेंधें बल्लाखय युरोपया लोकं ह्वाःपि फुटबलरत म्हिताच्चंगु दु । थुमिगु आज्जु खः, थःगु देय्यात युरो फुटबल धेंधें बल्लाःया च्याम्पियन दयकेगु । विश्वकप धुंकाः बहुप्रतिक्षित फुटबल मेला युरापियन फुटबल न्ह्यायधुकुगु दु । थ्व च्वसु तयार यानाबलयतक्क समूह चरणया निगू राउन्ड नं क्वचाय धुकल । छगू राउन्ड ल्यं दनिबलय हे बेल्जियम, इटाली, नेदरल्यान्ड्स नकआउट चरणय थ्यनेधुकल ।

विश्वकप धुंकाःया थ्व दकले तःधंगु फुटबल मेला खः । अथेखःसां फुटबल विशेषज्ञतयसं युरोयात विश्वकप स्वयां प्राविधिकरुपं उच्चस्तरया धेंधें बल्लाः कथं कायगु याः । विश्वकप थें युरो नं थ्व महादेशया फुटबलरतयसं थःगु जीवनया छकः जक सां म्हितेगु चाहना याइगु धेंधें बल्लाः खः । युरोपया फुटबल धाःसां थ्व धेंधें बल्लाखय हलिया फुक्क फुटबलप्रेमीतयसं च्यूता कायगु याः । उकिं युरोया चर्चा न विश्वकप थें जुयाच्चनी । थ्व फुटबल दबुलिइ थःगु प्रतिभा क्यनेफत धाःसा विश्वं लिपातक्क नं लुमंकातइगु जूगुलिं फुटबलया थ्व महासंग्रामय युद्ध यायगु कासामितयगु म्हगस हे दइगु जुयाच्चन । छायाःसा प्रसिद्धि कमे यायगु व थःत महान कासामि सावित यायगु थ्वः तःधंगु दबू खः ।

युरोकपया थ्व भिंखुक्कःगू संस्करण खः । धेंधें बल्लाखय थ्व पार्लिसिं २४ पुचःया ब्वति दु । पुचःतयत खुगू पुचलय ब्वथःगु दु । समूह चरणय न्हापाया निगू पुचः क्वाटरफाइनल थ्यनी । अले थःथःगु पुचलय स्वंगू ल्याखय लाःपिं उत्कृष्ट प्यंगु पुचः नं क्वाटरफाइनलय थ्यनी ।

थ्व इलय युरो कपया मज्जा कयाच्चिपिं कासामितयगु छगु हे खुलुदुली दु । थुगुसी सुनां त्याकी युरो कप ?

थुगुसी निगु चरणया प्रदर्शनायात दुवालेगु खःसा विश्व विजेता फ्रान्स,

इरिक्सनया निति प्रार्थना



फिनल्यान्डनापया कासाय डेनमार्कया प्रमुख कासामि क्रिस्टियन इरिक्सन हृदयघात जूगुलिं अचेत जुयाः ग्राउन्डय ग्वःतुल । प्रत्यक्ष प्रसारण स्वयाच्चिपिं करोडौं दर्शक म्यात । डेनमार्कया टिम चिकित्सक मोर्टेन बोएसेन ग्राउन्डय दुहावल ।

वयकलं आकाभाकां इरिक्सनया मुटुया चाल मदुगु अनुभव मयात । छातीइ निपा ल्हातं त्यत्तुल्लाः नुगः व फोक्सोयात दबे यानाः श्वासप्रश्वास लितहयगु आपतकालीन प्रक्रिया (सिपिआर) बिल । वयां लिपाया दश मिनेट ला युरोपेली च्याम्पियन्सीप इतिहासया दक्कले व्याकुल ई जुल । इरिक्सनया भिं उसाय्या नितिं कराडौं मनुतयसं प्रार्थना यात । इरिक्सनया भिं उसाय्या कामना यानाः सामाजिक सञ्जालय

सन्देश जाल । रङ्गशालाय डेनमार्कया जक मखु फिनल्यान्डया समर्थक नं इरिक्सन, इरिक्सन धकाः चिल्लाय दनाः हालाच्चन ।

लिपा अस्पतालं इरिक्सन होसय वःगु खबर वल । डेनमार्कया टिम, समर्थक जक मखु, विपक्षी टिम व हलिं हे लयूताल । थ्वः घटनां न्हापा मार्क भियि फो व फाब्रिस मुआम्बा म्हिताच्चंबलय हे अचेत जुयाः खःतूवंगु नं लुमंकाबिल । सन् २००३ यं फ्रान्सय जूगु कन्फेडरेसन कपय मैदानय हे ग्वःतूम्ह फोया ज्यान हे वन । सन् २०१२ यं बोल्डन व टोटेनह्याम दथुइया कासाय क्वदःम्ह मुआम्बायात धाःसा सिपिआरया आवश्यकता जूगु खः । उकिं इरिक्सनयात अस्पताल यंकूबलय मुआम्बा टिवट नं यात-प्लिज गड ।

कथं न्ह्यःने वःगु दु । सिसो इमोबिल व लोरेन्जे इन्सिने थेंजाःपिं स्ट्राइकरत दु । विनार व फेरारी गाडी थें फास्ट खनेदु । मिडफिल्डरं नं फरवार्डतयसं थें गोल यायफु । इटालीया डिफेन्स न्हापां थें हे बल्लाः । बेन्चया कासामित नं स्टार्टिड इलेभेनय म्हिते योग्य जू । अफ रोवर्टो म्यान्सिनीया इटाली छेनाटय लगातार भिगू कासा त्याकाः युरो कप म्हितूगु खः । इटालीया आःतक्क लगातार

अपराजित २९ कासा जुइधुकल ।

विश्व च्याम्पियन फ्रान्स नं मेगु प्रमुख उपाधि त्याकेत तयार खनेदु । निक्कः युरो त्याकेधुकुगु पूचः फ्रान्सय विश्वस्तरीय कासामितयगु धलः न ताःहाकः । अफ करिम बेन्जमा, एन्टोनियो व किलियन एमबापेया फरवार्ड तिकडी युरो २०२० या दक्कले खतरनाक आक्रमण पुचःया कथं कयातःगु दु । अफ फ्रान्सयाके पल

पोम्बा थज्याःम्ह हलिया उत्कृष्ट मिडफिल्डर नं दु । पोर्चुगल व जर्मनी नं दुगु ग्रुप अफ डेथय फ्रान्स दक्कले न्ह्यःने दु । अथेखःसां हङ्गेरीनाप

रोनाल्डो अप्वः गोल याःम्ह कासामि



युरो च्याम्पियन पोर्चुगलया क्रिस्टियानो रोनाल्डो हङ्गेरीयात निगू गोल यानाः युरोपेली च्याम्पियन्सीपय दक्कले अप्वः गोल याःम्ह कासामि जुल । युरो २००४ यं युरो कपय पदार्पण याःम्ह रोनाल्डो थ्व धेंधें बल्लाखय थुगुसी न्यागू संस्करण म्हिताच्चंगु खः । रोनाल्डो लगातार न्यागू युरो म्हिते तःलाःम्ह न्हापांम्ह कासामि नं जुल । रोनाल्डो जर्मनीनापया कासाय नं छगू गोल यात । युरो कपय रोनाल्डोया गोलसङ्ख्या १२ थ्यंगु दु । रोनाल्डो

फ्रान्सया मिचेल प्लाटिनीं गूगू गोल यानाः दयकातःगु युरोकपया अप्वः गोलकर्ताया कीर्तिमान भङ्ग याःगु खः । रोनाल्डो हङ्गेरीया पुस्कास एरिनाय ६७,२१५ प्रत्यक्ष दर्शकतयगु पदार्पण याःम्ह रोनाल्डो थ्व धेंधें प्यद्वःति पोर्चुगलया समर्थक नं दु । उकिं फुक्क रोनाल्डो कायम याःगु इतिहासया साक्षी जुल । युरो २०२० यं ग्वसा खलः भिगू देयमध्ये हङ्गेरीं जक रङ्गशालाय शतप्रतिशत दर्शकया उपस्थितिया अनुमात ब्यूगू खः ।

१-१ गोलं बराबरी म्हितूगुलिं फ्रान्स नं विश्वकपय थें अजय टिम खनेमदु ।

फिफा वरीयताय नम्बर वन टिम बेल्जियम खः । बेल्जियमया टिमयात व देय्या गोलडेन जेनेरेसन नं धाःपिं दु । रोमेलु लुकाकु, केभिन डि ब्रुन, इडेन हजार्ड थज्याःपिं कासामि दुगु पुचःयात थुगुसी युरो त्याकेगु दक्कले बांलाःगु ह्वःताः खः ।

न्हय्दं लिपा प्रमुख धेंधें बल्लाः

विरोध याःगु खः ।

युरो च्याम्पियन क्रिस्टियानो रोनाल्डोया पुचः पोर्चुगल, जर्मनी हलिया फुटबलया महाशक्ति पुचः खः । थुगु टिमया नं विश्वकप त्याकेगु सम्भावना दु धाःसां पाइमखु । अथेखःसां ग्रुप अफ डेथय लाःगु थ्व निगू पुचः समूह चरणय छगू कासाय बुइधुकल । स्पेनयात नं उपाधि दावेदारय भीसं ल्वःमंकेमज्यू ।

स्वास्थ्यकर्मीहरूलाई यी पाँच तरिकाद्वारा सहयोग गरौं

रोगको निदान स्वास्थ्यकर्मीलाई नै गर्न दिऔं

कोरोना संक्रमण भए/नभएको पुष्टि स्वास्थ्यकर्मीले मात्र गर्न सक्छन् । संक्रमण पुष्टि नभइ अनावश्यकरुपमा आर्तकित नहौं ।

मद्दत पाउनका लागि नपखौं

कुनै लक्षण देखिएको छ भने तुरुन्त चिकित्सकलाई सम्पर्क गरौं । पूर्वसावधानीले जीवन जोगिन सक्छ ।

अनावश्यकरुपमा औषधी नकिनौं

जगोडा नराखौं विश्वसनीय व्यक्तिहरूबाट मात्रै स्वास्थ्य सम्बन्धि सल्लाह लिऔं ।

कोरोना भाइरसको रोकथामका उपाय अपनाउन जारी राखौं ।

सही जानकारी मात्रै बाडौं

जानकारी बाँड्नुअघि तथ्य जाँच गरौं । स्वास्थ्य मन्त्रालय, विश्व स्वास्थ्य संगठन र युनिसेफजस्ता विश्वसनीय स्रोतहरूको प्रयोग गरौं ।

घरै बसौं

अत्यावश्यक बाहेक घरबाट ननिस्कौं । निस्कने परे जनस्वास्थ्यका सबै मापदण्डको पालना गरौं ।



नेपाल सरकार

सञ्चार तथा सूचना प्रविधि मन्त्रालय
सूचना तथा प्रसारण विभाग

मध्यपुर थिमि नं नेपालभाषा अनिवार्य ब्वंकेत माग



मध्यपुर थिमि नगरपालिका दुने अनिवार्य रुपं नेपालभाषा ब्वंकेमाःगु माग यासे अनया मेयर मदन सुन्दर श्रेष्ठयात ध्यानाकर्षण पौ लःल्हाःगु दु । विद्यालयस्तरया स्थानिय मातृभाषा (नेपालभाषा) या विषय अनिवार्य ब्वंकेमाःगु माग यासे थिमिया

भाषाप्रेमी व शिक्षासेवीपिंसं सोमवाः ध्यानाकर्षण पौ लःल्हाःगु खः । वंगु निदँ न्ह्यःनिसें थीथी निकायलय वनाः ध्यानाकर्षण याना वयाचवसां आःतक सुनुवाइ मजगुलिं शिक्षा समितिया पदेन नायःलिसें नगर प्रमुख श्रेष्ठयात लिखित ध्यानाकर्षण

पौ लःल्हानागु नेपालभाषा संरक्षण अभियानया संयोजक कृष्णकाजी मानन्धर कनादिल ।

ध्यानाकर्षण पौ लःल्हाना कासें मेयर श्रेष्ठ वङ्गु असार ७ गते न्ह्याइगु मध्यपुर थिमिया नगर परिषदय् स्थानिय मातृभाषा (नेपालभाषा) या विषय अनिवार्य ब्वंकेगु खँया प्रस्ताव तयगु प्रतिबद्धता प्वंकादिल । उगु प्रस्ताव लिपा बजेट विनियोजन यायगुलिसें थीथी अभियान न्ह्याकेगु बिचाः प्वंकादिगु खः ।

ध्यानाकर्षण पौ लःल्हायत नेपालभाषा संरक्षण अभियानया संयोजक कृष्णकाजी मानन्धरलिसें दुजःपिं नविन प्रकाश श्रेष्ठ, ईश्वरलाल श्रेष्ठ, सुरेन्द्र किलनः श्रेष्ठ, ओम कृष्ण श्रेष्ठ, जीवन पति श्रेष्ठपिं नं भायादीगु खः ।

‘जितः खव्यूकाः’ सार्वजनिक

कोभिड महामारीयात नियन्त्रणय् कायेत निषेधाज्ञा जारी दुगु अवस्थायामे दथुइ हे वंगु शनिबाः नेपालभाषायामे छुपु न्ह्यु म्यूजिक भिडियो सार्वजनिक जगु दु । गाथिका विष्णुमाया व्यञ्जनकारया म्ये ‘जितः खव्यूकाः छ वने फइमखु’ या म्यूजिक भिडियो कलाकार, पत्रकारतय् उपस्थितिइ जुममार्फत जगु भर्च्युअल ज्याइवलय् म्ये सार्वजनिक याःगु खः ।

ज्याइवलय् वरिष्ठ सिने पत्रकार लिसें नेपालभाषा म्यूजिक भिडियोया न्हापांम्ह निर्देशक विजयरत्न असंबरे, पत्रकार दर्शनवीर शाक्य, पत्रकार बिराजकाजी राजोपाध्यायं म्यूजिक भिडियोयात कयाः समीक्षात्मक खँ तयादीगु खः ।

गाथिका व्यञ्जनकार म्येया संगीतकार मधुम पद्मज्योती बज्राचार्यया ज्ञानमाला भजनलिसें आधुनिक म्ये ख्यलय् योगदानयाबारे चर्चा यानादिल । ज्याइवलय् कलाकार सुरज व्यञ्जनकार, स्वतन्त्र संसार महर्जनं नं थःथःगु बिचाः तयादीगु खःसा म्यूजिक भिडियोया संगीत संयोजक जुगल डंगोल, मोडलत अनुप शाक्य, सुषमा बज्राचार्य, रोजिना सुवाल, क्यामेरा निर्देशक व भिज्युअल एडिटर अमर चित्रकार, निर्देशक सुरज नापितं थःथःगु अनुभव न्यंकादीगु खः । मधुमन्त बज्रं च्यायादीगु म्येया म्यूजिक भिडियोया बारखं सत्य घटनाय् आधारित धयातःगु दु । सार्वजनिक जगु म्ये न्हापा मधुम पद्मज्योतीं हालादीगु खः ।

शताब्दीपुरुष जोशी अस्पतालं डिस्चार्ज

किस्ट मेडिकल कलेजय् वासः याकाचवनादीम्ह वाइमय शताब्दी पुरुष संस्कृतिविद् डा.सत्यमोहन जोशी वंगु शुक्रबाः अस्पतालं डिस्चार्ज जुयाः थःगु छँय् लिहाःभाःगु दु । उसांय् अवस्था भिनावयधुंकाः सामान्य न्यासिवनेगु यानाहयधुंकाः वयकःयात डिस्चार्ज यानागु कलेजया प्रिन्सिपल प्रा.डा. बालमानसिंह कार्की जानकारी बियादीगु दु ।

अस्पताल स्रोतया कथं डा.जोशीयात सासः ल्हायगुलिइ समस्यालिसें छातीया संक्रमण, नुगःया चालय् गडबडी व रक्तचाप म्हवः जुइगु समस्या जगु खः ।

डिस्चार्ज जुयाः छँय् लिहाःभाःम्ह शताब्दी पुरुष डा जोशीया



हाकनं छवाः लिपा स्वास्थ्य अवस्थायामे जानकारी कायगु अस्पतालया छातीरोग विशेषज्ञ प्रा.डा. मिलेशजङ्ग सिजापती धयादिल । वर्तमान परिस्थितियात स्वयाः मेगु निवाःतक वयकःयात फोन यायगु अथवा मनूत

नापलायगु मयाःसे आराम याकेबीत नं इनाप याःगु दु ।

नुगः व सासः ल्हायत समस्या खनेदयधुंकाः वंगु जेठ २६ गते डा. जोशीयात किस्ट मेडिकल कलेजय् भर्ना याःगु खः ।

यँ महानगरपालिकाया...

न्ह्याकेगु आज्जु काःगु दु । उकिया नापं आन्तरिक पर्यटन प्रवर्द्धन यायत धासें बसन्तपुर क्षेत्रलिसें थँबहि क्षेत्रयात नं पैदलयात्री मैत्री दयकीगु जगु दु ।

यँ महानगरपालिका थःगु नीति तथा कार्यक्रमय् महानगरपालिका क्षेत्र दुनेया विद्यालयया गुणस्तर भिकाः समयानुकुल दयकेत शिक्षाविद् अले संस्कृतिविद् दुथ्याःगु एकीकृत शिक्षा व्यवस्थापन योजना तर्जुमा समिति गठन यानाः शिक्षा योजना तर्जुमा यायगु

नीति काःगु दु । ‘महानगरपालिका क्षेत्र दुनेया दक्कं विद्यालयय् पूर्व प्राथमिक तहानिसें कक्षा ८ तक स्थानीय विषयया रूपं नेपालभाषाया पाठ्यक्रम अनुरूप पठनपाठनया ज्यायात निरन्तरता बीगु जुइ । नेपालभाषाया विकास व प्रवर्द्धनया लागि नेपालभाषा प्रवर्द्धन समितिमार्फत ज्याइवः न्ह्याकेगु व्यवस्था ताःलाकेगु जुइ’ नीति तथा कार्यक्रमय् न्ह्यथनातःगु दु । अथे हे, सामुदायिक विद्यालयया प्रधानाध्यापकतय् जिम्मेवार अले थप उत्प्रेरित यायत नेपाल सरकार बियावःगु मासिक सुविधालिसें प्रोत्साहनकथं

द्वःछि तका उपलब्ध याकीगु जगु दु ।

निन्दु स्थगित जुयाः आइतबाः जगु सहलहस उपमेयरलिसें काँग्रेस सतीपिं वडाध्यक्ष नीति तथा कार्यक्रमय् दुथ्याकेमाःगु हुं बुँदाया सुभाव प्रमुख शाक्ययात ब्यगु खः । शाक्य वयकःपिनिगु सुभाव ग्रहण यासें बैठक न्ह्याकादीगु खः । नगरसभाय् पेस जगु नीति तथा कार्यक्रमयात अभिपरिपक्क दयकेत वयकःपिंसं बियादीगु सकारात्मक सुभाव अंभ ग्वाहालि याइगु प्रमुख शाक्य धयादीगु खः ।

करुणा विहारयात राहत लःल्हात



करुणाबिहारमातातिर्थयातथीथी खाद्यान्न सामग्री राहतकथं लःल्हाःगु दु । सबिता महर्जनया कजिसुइ २२ बोरा जाकि, ३० किलो दाल, २० किलो चिनी, चिक १ बक्स, चाउचाउ १ बाकस, बिस्कुट १ बाकस व मसला लःल्हाःगु खः । थीथी संघसंस्था व

समाजसेवीपिनि ग्वाहालिं थुगु ज्वलं बिहार प्रमुख चन्द्रशिला गुरुमायात लःल्हाःगु खः । राहत वितरणया व्यवस्थापन ब्यबस्थापन रमेशमान मुनिकार व गाडी ब्यस्थापन रण भैरब गण कम्पुकोतया किशोर बुद्धाचार्य यानादीगु खः ।

पत्रकार दबूया ...

पत्रकार दबूया दांभरिं सुरेन्द्रभक्त श्रेष्ठयात उगु धेबा लःल्हानादिल । धेबा लःल्हासें मन्त्री श्रेष्ठ महामारीया अवस्थाय् थीथी कथं समस्याय् लाःपिं पत्रकारतय् ग्वाहालिइ हुं तिबः जुइमा धकाः थम्हं व्यक्तिगत रुपं फुकथंया ग्वाहालि यानागु धयादिल ।

व इवलय् पत्रकार दबूया केन्द्रीय नायः सुरजवीर बज्राचार्य दुर्बलिं नेपाःया सञ्चार ख्यःयात समावेशी दयकेगु अभियाय् दुर्बलिं न्ह्यःने हःगु योजना व ज्याइवःया बारे जानकारी बियादिल । दबूया दांभरिं लिसें कोभिड रेस्पेन्स टिमया कजि सुरेन्द्रभक्त श्रेष्ठ कोरोना

संक्रमणया जोखिमया हुनिं न्ह्याकातःगु निषेधाज्ञायामे दथुइ थःम्ह हे सञ्चारकःमित बेरोजगार जगुया लिसें ज्या यानाच्चीपिंसं नं पारिश्रमिक काय् मखनाच्चंगु, चीधंगु अले स्वरोजगार मिडिया संकटय् लाःगु, पत्रकार व वया परिवार संक्रमित जगु लिसेंया अनेक समस्याय् लानाच्चंगु जानकारी याकादिल । नेवाः पत्रकारतय् परिवारय् हे संक्रमित जगु अवस्था दु, जा नयत जाकि न्याः वनीपिं तर्क मधुगु समस्या, इलय् तलब ल्हातय् मलाःबलय् धेबाया समस्या । थज्याःगु यकव समस्या नेवाः पत्रकारतय् फयाच्चंगु दु, उकी जिमिसं आर्थिक रुपं, भौतिक रुपं हुं कथं फु, ग्वाहालि यानाच्चनगु दु’ कजि श्रेष्ठ धयादिल ।

राम प्रजापति
प्रोप्राइटर

हारती मिठाई भण्डार
(रुच्छ शाकाहारी)

कालिमाटी चोक, टंकेश्वर मार्ग, काठमाडौं ।
फोन नं. : ४२७२९९९, मो. ९८०३९८०६९९

यहाँ:- विवाह, व्रतबन्ध, पार्टी, पिकनिक, तथा अन्य शुभ कार्यको लागि अर्डर अनुसार मिठाईको व्यवस्था गरिन्छ ।

(क) व्यापारी त्यासा
(ख) हायरपचेज त्यासा
(ग) आवासीय त्यासा

(घ) शेयर त्यासा
(ङ) मुद्दती रसिद धितो त्यासा
(च) क्रमिक निक्षेप त्यासा

मिलन बहुउद्देशीय सहकारी संस्था लि.

ह्वनाछैँ, पाको, न्हूसतक, यँ, नेपाः
फोन ल्याः ४२३१०३६, ४२२२०६५, ४२१६१६७, फ्याक्स : ४२१६१६७

दुनुगलंनिसें बिचा: हायेका



छय्

राममाया जोशी

बुदिं : वि.सं. १९८४
मदुगु दिं : वि.सं. २०७८ बैशाख २५



पुरोहित

हेरम्बानन्द राजोपाध्याय

बुदिं : वि.सं. १९९१ मंसिर
मदुगु दिं : वि.सं. २०७८ बैशाख २२



छय् भौ

दिलमाया जोशी

बुदिं : वि.सं. १९८६
मदुगु दिं : वि.सं. २०७७ कार्तिक २७



छुइ

गोकुल लाल जोशी

बुदिं : वि.सं. २००१
मदुगु दिं : वि.सं. २०७७ पौष २



छुइ

राजेश हरि जोशी

बुदिं : वि.सं. २०१४
मदुगु दिं : वि.सं. २०७८ जेठ ३०



उइ

अंकित हरि जोशी

बुदिं : वि.सं. २०४७
मदुगु दिं : वि.सं. २०७८ बैशाख २३

यल नुगः लुँहित धालाछँ जोशी खलःया पुर्वज स्व. कृष्णलाल जोशी (काल साहु) या सन्तान छय् भौ, छय्, छुइ, उइ व पुरोहित वि.सं. २०७७-७८ सालय् स्वर्गारोहण जूगुलिं सकसियां बैकुण्ठबास लाय्मा अले छँजःपिन्त अपूरणीय क्षति जूगुलिं धैर्य धारण याय् फय्मा धइगु मन्तुसें दुनुगलंनिसें बिचाः हाय्का च्वना ।

जोशी निजी मिन्घो गुठी परिवार हेतौडा

दीन, दुखी व असहायपिन्त निःशुल्क स्वास्थ्य सेवा प्रदान ।
दानी, सुखी व सम्पन्नयात सशुल्क स्वास्थ्य सेवा वरदान ॥

छत्रपाटी निःशुल्क चिकित्सालय (अस्पताल)

स्त्रीय सुलभ स्वास्थ्य सेवा सकसिया निस्ति, असहायपिन्त जक निःशुल्क



उपलब्ध सेवा

२४ सै घण्टा सेवा

- आकस्मिक सेवा
- प्वाभोलोजी
- छवस-रे
- ई.सि.जी.
- इक्टो
- कासः पसः
- अवररंज सेवा

गर्भविकषा

- लोतिबिन्दु
- जनरल सर्जरी
- नस्यार्थ, नस्यार्थ, जगः
- एडह जोर्नी कशा
- पिसाव अल्कीया फल्वर
- बिवा विरफार

बहिरङ्ग सेवा

- लुदु लवन्
- एकाज लवन्
- सुरोलेजी
- मिसा लवन्
- लका लवन्
- कासा लवन्
- मिसा लवन्
- जनरल लैडिसिड
- दर्ल तथा चोक लवन्
- अन्धर, अन्ध, जकः लवन्
- जनरल हेल्थ चेकअप
- धादरदह व लदुलेह लवन्
- थिकिस्तु लकोरोजिट
- परलारंजक सेवा

अन्य सेवा

- डेसिड
- ईण्डोस्कोपी
- एकोलेन्डोस्कोपी
- फिजियोथेरापी
- अल्ट्रासाउण्ड, कलर हप्लर व इक्टो
- सुरोपेली स्तरका दन्त प्रजोगसाला

**२४ घण्टा
ईमरजेन्सी सेवा**

७०८ गंगालाल मार्ग, छत्रपाटी, काठमाडौं, फोन : ४२९६९३८, ४२९७९९९, ४२९६९२२९, E-mail: cfclinic@mail.com.np, www.free-clinic.org.np